



**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. I. Quid, & quotuplex sit appellatio, & cur sit inducta?

---

[urn:nbn:de:hbz:466:1-61641](#)

394 Tit. XXVIII. De appellationibus, recusationibus, & relationibus.  
rum, si scilicet de tali causa criminali agatur, cuius executio postea retractari potest. Quod si tamen plenè sit facta executio contra talem, tribus conformibus sententiis super eodem articulo condemnatum, non prohibetur hic agere aut excipere, ac admitti debet contra nullitatem harum sententiarum, vel alius cuius ex illis, ne innocens nimium gravetur.

#### §. VII.

Quæ sit pœna Indicis male judicantis?

De jure Civili Iudex, qui male judicavit, item suam facit, sive se peri-

culo litis obstringit, ad omne damnum parti læsa, vel ad litis saltem estimacionem resarcendam, &c. de jure Canonico vero, si contra suam conscientiam contra justitiam male judicavit Iudex Ecclesiasticus, ita ut pars litigans in iudicio tali committendo, & non negligendo tantum gravetur, motus ad iudicandum favore alterius partis, vel odio, timore, aut per avaritiam, &c. incurrit suspensionem insuper per annum ab officiis executione, ut habeat in eum Cūm aeterni. i. h. t. in b. dignum est etiam ut ait Pontifex, ut, qui in tot offendit, pœna à multiplici castigetur.

## TITVLVS XXVIII DE APPELLATIONIBUS, RECUSATIONIBUS, ET RELATIONIBUS,

### SECTIO I.

De appellationibus in generere.

#### §. I.

Quid, & quotuplex sit appellatio,  
& cur sit inducta?

Appellatio communiter definitur, A quod sit à minore, seu inferiore ratione gravaminis illati vel infestandi, ad majorem seu Superiorem, tanquam Iudicem, facta provocatio. Duplex autem est appellatio, Judicialis, & extrajudicialis. Illa fit auctibus judicialibus, & interponitur vel ante litis contestationem,

ratione gravaminis scilicet, in iudicio in litis contestationem evenientis; vel post litis contestationem ante sententiam definitivam, circa interlocutoria; vel donec sit ab ipsa sententia definitiva, in ejus executione. Extrajudicialis est, quod sit ab auctibus extrajudicialibus gravibus, vel quod Iudex extrajudicialiter procedens graver, vel quoddam per distinctionem v. g. factam, aut futuram gravamen aliquod inferant. Et quamvis extrajudicialis appellatio propriè dicitur, appellatio non sit, nec in odio his statutis aliquid de appellatione, appellacionis nomine veniat, & non requirat Iudicem à quo, & ad quem, potest tamen in latiore aliquo sensu appellatio dici, qd

ad Iudicem superiorem causam v. g. defert. Causæ autem, ob quas appellationis remedium introductum est, sunt plures. Prima est, ut gravamen iniquum illatum removeatur. Secunda, ut iniqüitas, seu imperitia Iudicium corrigatur. Tertia est, ut læsus per propriam ignorantiam, vel negligentiam jus suum consequitur, qui possit, & hinc appellatio propriè dicta, quoad substantiam, est juris naturalis, quia est præsidium innocentia, quoad formalitates verò, seu solemnitates appellationis, est juris positivi.

## §. II.

*Quid sit supplicatio, & quomodo ab appellatione differat?*

**S**upplicatio propriè & strictè dicta, sicut in hoc titulo accipitur, aliud non est, quam humilis petitio, per quam allegata lassione, sive gravamine, a Principe v. g. petitur, ut sententia lata contra supplicantem, ex mera gratia & benignitate Principis retrahatur; cum enim ordinarium appellationis remedium huic fortasse non competit, & quum videbatur, ut extraordinariò remedio supplicationis ei succurratur. Differunt autem ab appellatione primò, quod appellatio suspendat executionem sententia, non autem supplicatio strictè dicta, quaz cum meram gratiam querat, executionem impedit non debet sed cautio ab eo, pro quo lata est sententia, præstari debet de restitutione facienda, si supplicants causant obtrubebit. Secundò differunt inter se appellatio & supplicatio hæc, quod appellatio fieri debet intra decem dies à lata sententia, supplicatio autem institui potest usque ad bien-

nium, ita tamen ut si non fiat intra decem dies, sed intra duos annos, executio sententia fieri possit, etiam nullà præstitali satisfactione. Tertiò differunt, quod appellatio fiat ad Superiorem Iudicem, supplicatio verò plerumque ad eundem Iudicem, Principem v. g. qui sententiam tulit. Quartò differunt, quod appellatio sit remedium ordinarium in iustitia fundatum; supplicatio verò sit remedium extraordinarium in gratia Principis, cui supplicatur, fundatum, &c., posterioribus tamen his temporibus beneficium revisionis ad exemplum supplicationis, introductum est, ita tamen, ut etiam revisio hæc, à vera supplicatione differat, quaz non suspendit executionem sententia, ut dictum, cum tamen revisionis beneficium suspendat executionem sententia, donec causā cognitā constare polsit, rescindenda num sententia sit, an confirmanda, vel reformatda.

## SECTIO II.

*De iis, qui appellare possunt?*

### §. I.

*Quibusnam in genere appellare permisum sit?*

**A**ppellare potest, non tantum ille, contra quem sententia lata est, sed quilibet alius, cuius interest ex aliqua causa, non ita fuisse judicatum, etiamsi judicio non intervenerit, ut ex dictis jam patet, ita ut non tantum suo nomine, sed alieno etiam nomine appellare

Ccc 2

possit